

## Kuantan

**K**erja pemuliharaan Tasik Chini di Pekan berjalan lancar dengan 80 peratus daripada kawasan terjejas sudah dipulihkan, kata Menteri Besar Pahang Datuk Seri Wan Rosdy Wan Ismail.

Beliau yang sudah meninjau lokasi terbabit dua minggu lalu berkata, kerajaan negeri komited dan berusaha yang terbaik bagi memastikan status Rizab Biosfera Pertubuhan Pendidikan Sainifik dan Kebudayaan Bangsa-bangsa Bersatu (Unesco) yang diperolehi pada 2009 dikekalkan.

Menurutnya, antara tindakan yang dilaksanakan bagi memulihkan keadaan tasik yang terjejas akibat perlombongan dan pembalakan itu adalah dengan mewariskan tanah kerajaan sebagai Hutan Simpan Chini mengikut Seksyen 7 Akta Perhutanan Negara 1984.

Tasik Chini menurut Wan Rosdy, diwartakan sebagai hutan simpan dengan keluasan 6,502.80 hektar dan disiar warta kerajaan bertarikh 5 Ogos 2021.

"Tindakan penghijauan kawasan sudah dilakukan dengan menanam tanaman tutup bumi di kawasan seluas lebih kurang 200 hektar dengan kos sebanyak RM3.95 juta menggunakan peruntukan Kumpulan Wang Pembangunan Hutan yang sudah bermula tahun lalu.

"Projek Pemuliharaan Kawalan Hakisan dan Mendapan di dalam zon penampungan Tasik Chini sepanjang 1.75 kilometer dengan kos RM2.5

PEMANDANGAN dari udara keadaan Tasik Chini yang terkesan akibat perlombongan serta pembalakan haram.  
- Gambar NSTP/FARIZUL HAFIZ AWANG



## SIDANG DUN PAHANG

# Pemuliharaan Tasik Chini cecah 80%

*Pahang komited pulihara, hijaukan semula tasik legenda naga*

juta juga sudah selesai sepenuhnya pada 22 Jun lalu, menggunakan Wang Pemuliharaan Bersama dengan pelaksanaannya oleh Jabatan Pengairan dan Saliran Pahang," katanya.

Wan Rosdy berkata demikian semasa menjawab soa-

lan tambahan **Lee Chean Chung (PH-Semambu)** yang ingin tahu langkah kerajaan negeri bagi memulihkan Tasik Chini hingga 30 September ini agar tidak dilucutkan status biosfera, pada persidangan Dewan Undangan Negeri (Dun) di Wis-

ma Sri Pahang, semalam.

Selain itu, Wan Rosdy juga memaklumkan proses pemuliharaan tasik yang terkenal dengan legenda naga itu turut membabitkan penduduk Orang Asli di sekitar tasik itu, menerusi pelaksanaan Program 'Buy Back Guar-

tee' yang setakat ini melibatkan 14 peserta dari Kampung Gumum, Kampung Cendahan, Kampung Puput dan Kampung Melai.

"Menerusi program ini, peserta dibekalkan dengan kelengkapan asas tapak semaian dan dibenarkan men-



Tindakan penghijauan kawasan sudah dilakukan dengan menanam tanaman tutup bumi di kawasan seluas lebih kurang 200 hektar dengan kos sebanyak RM3.95 juta"

Wan Rosdy

jalankan kerja pengumpulan dan penyemaian biji benih dan anak pokok dari hutan berhampiran.

"Setiap anak pokok yang mencapai ketinggian tiga kaki (hampir satu meter) akan dibeli Jabatan Perhutanan Negeri Pahang dengan harga RM3 sepokok dan setakat ini, 3,344 pokok sudah dibeli," katanya.

Katanya, kempen penanaman pokok sudah dilaksanakan pada 5 dan 6 Februari lalu membabitkan sekitar 3,000 anak pokok oleh 400 peserta termasuk penduduk kampung dan 25 badan bukan kerajaan (NGO) yang turut membantu usaha pemuliharaan tasik berkenaan.